

2. tbl. 20. árgangur • apríl 2009

Fréttabréf

stéttarfélaganna í Þingeyjarsýslum



Forsíðumyndin



Forsíðumyndin er af Jónmundi Aðalsteinssyni sem ættaður er úr Stórutungu í Bárðardal. Myndina tók Svandís Sverrisdóttir í fjölskylduferð Norðurvíkur í síðustu viku. Jónmundur er hér með pípu í munnvikinu að dorga á Kálfborgarárvatni. Ekki fara sögur af aflabrögðum hjá Jónmundi.

Almenn ánægja hjá starfsmönnum

Sjávarútvegsfyrirtækið Brim sem á og rekur Laugafisk í Reykjadal hefur samþykkt að hækka laun starfsmanna þrátt fyrir samkomulag Alþýðusambandsins og Samtaka atvinnulífsins um frestun launahækkana fram á sumarið. Almenn ánægja er með ákvörðun fyrirtækisins meðal starfsmanna. Guðný Grímsdóttir trúnaðarmaður starfsmanna í Laugafiski sagðist afar ánægð fyrir hönd starfsmanna fyrirtækisins. Það fjölgar því enn í hópi þeirra fyrirtækja sem hafa tekið ákvörðun um að láta áður umsamdar launahækkningar ganga til starfsmanna. Vitað er að fleiri fyrirtæki á félagssvæði Framsýnar hafa tekið ákvörðun um að hækka laun starfsmanna.

Ljóst er að málf lutningur fimm landsbyggðarfélaga, þar á meðal Framsýnar, hefur náð eyrum margra fyrirtækja á Íslandi. Félögin kröfðust þess að kjarasamningar stæðu og að þau fyrirtæki sem hefðu fjárhagslega burði til, myndu standa við þá samninga sem undirritaðir

voru 17. febrúar 2008. Á þessu sést að landsbyggðarfélögin höfðu klárlega rétt fyrir sér þegar þau bentu á að það væru svo sannarlega til fyrirtæki sem gætu og vildu standa við gerða kjarasamninga. Félögin fimm máttu þola harða gagnrýni annarra félaga innan Alþýðusambandsins sem töldu rétt að fresta launahækkunum þar sem fyrirtækin hefðu ekki burði til að standa við gerða kjarasamninga. Framsýn hefur áður ályktað um málið þar sem þess var krafist að Alþýðusambandið óskaði eftir ógildingu á samkomulaginu við Samtök atvinnulífsins um frestun launahækkana 1. mars. Á þessari stundu er ekkert vitað hvort eða hvenær hækkarnir komi til framkvæmda. Að sjálfsögðu er það gleðilegt að forystumenn stéttarfélaganna sem áður gagnrýndu félögin fimm skulu nú keppast við að taka undir með félögunum um mikilvægi þess að fyrirtækin standi við gerða kjarasamninga. Batnandi mönnum er best að lifa.



Starfsmenn Laugafiskes brosa þessa dagana enda hefur Laugafiskur tekið ákvörðun um að hækka laun starfsmanna frá 1. mars þrátt fyrir samkomulag ASÍ og SA. Ánægjulegar fréttir segir formaður Framsýnar- stéttarfélags. Hann reiknar fastlega með því að fleiri fyrirtæki muni gefa út svipaðar yfirlýsingar á næstu dögum.

ÚTGEFENDUR: Þingið, félag iðnaðarmanna, Starfsmannafélag Húsavíkur, Framsýn- stéttarfélag, Verkalýðsfélag Þórshafnar. Garðarsbraut 26 • 640 Húsavík • Sími 464 6600 • Fax 464 6601 • e-mail: kuti@framsyn.is • Heimasíða: www.framsyn.is • ÁBYRGÐARMADUR: Aðalsteinn Á Baldursson Fréttabréfið er skrifað 27. mars 2009 og gefið út í 2000 eintökum.

HÖNNUN OG PRENTUN: Örkin, Húsavík.

Agnes vill aukið aðhald

Aukaársfundur ASÍ fór fram í síðustu viku og höfðu tæplega 300 manns seturétt á fundinum. Þar af komu 5 frá Þingið og Framsýn. Nokkur mál voru til umræðu þó voru Evrópumálin fyrirferðamest. Einn af fulltrúum Framsýnar, Agnes Einarsdóttir, lagði fram tillögu á fundinum um lífeyrismál

sem fór í gegn eftir töluverðar umræður. Tillagan endaði svona: Vegna ásakana í garð stjórna og stjórnenda lífeyrissjóða er nauðsynlegt að Fjármálaeftirlitið kanni í árlegri skýrslu sinni hvort sjóðirnir hafi á undanförunum árum starfað eftir lögum, samþykktum og fjárfestingastefnu sjóðanna.



Agnes vill sjá aukið aðhald í starfsemi lífeyrissjóða og flutti tillögu þess efnis á aukaársfundi ASÍ.

Ný launatafla komin á vefinn

Þrátt fyrir að ASÍ og Samtök atvinnulífsins hafi samið um að fresta launahækkunum á almenna vinnumarkaðinum, sem koma áttu til framkvæmda þann 1. mars, hafa fjölmörg fyrirtæki sett sig í samband við Skrifstofu stéttarfélaganna og lýst áhuga á því að hækka laun starfsmanna sinna eins og kjarasamningar gerðu ráð fyrir. Í ljósi þess er búið að setja inn nýjar launatöflur á

heimasíðu stéttarfélaganna með taxtahækkunum sem áttu að koma til framkvæmda um síðustu mánaðarmót. Þingið og Framsýn- stéttarfélag skora á atvinnurekendur að standa við þær launahækkningar sem samið hafði verið um og koma áttu til framkvæmda þann 1. mars, það er ef samkomulag ASÍ og Samtaka atvinnulífsins hefði ekki komið til.

Tilkynning



Á árinu 2008 greiddu til Framsýnar- stéttarfélags 2023 launamenn iðgjöld skv. ákvæðum kjarasamninga. Félagið gætir hagsmuna þeirra allra gagnvart atvinnurekendum í héraði og fer með umboð þeirra í samstarfi verkalýðshreyfingarinnar á landsvísi. Allir sem greitt er af til félagsins afla sér réttinda í sjóðum þess og njóta verndar þeirra kjarasamninga sem félagið gerir og allir sem greitt er af eru færðir á félagaskrá sem fullgildir félagsmenn nema þeir óski eftir því að vera ekki á henni. Það athugist að einungis fullgildir félagsmenn njóta kosningaréttar og kjörgengis í félaginu. Hér með er þeim tilmælum beint til þeirra launamanna sem greiddu iðgjöld til félagsins á árinu 2008 en vilja ekki vera á félagsskrá sem fullgildir félagsmenn að hafa samband við Skrifstofu stéttarfélaganna á Húsavík sem allra fyrst. Stjórn Framsýnar- stéttarfélags

Grín og gaman

Starfsmannafélag Norðurvíkur fór í starfsmannaferð í Bárðardalinn laugardaginn 21. mars ásamt mökum og öðrum fylgifiskum. Ferðalangarnir fengu gott veður enda segja kunnugir að það sé alltaf sól og blíða í Bárðardalnum, sérstaklega í kringum Stórutungu, enda margir merkir menn komið þaðan. Meðal þess sem menn gerðu sér til skemmtunar var að dorga í Kálfborgarárvatni. Kálfborgarárvatn er 3,5 km² stöðuvatn á heiðinni

austan Bárðardals. Það er alldjúpt á köflum og hæð þess yfir sjó er 359 m. Útrennsli þess er Kálfborgará til norðurs í Skjálfandafljót. Talsvert er af urriða í vatninu ½-3 pund. Að sögn heimildarmanns Fréttabréfsins var veiðin eftir atvikum góð hjá Norðuvíkurmönnum. Svandís Sverrisdóttir var svo vinsamleg að lána okkur þessar myndir sem hún tók í ferðinni. Einnig er hægt að sjá fleiri myndir inn á heimasíðu stéttarfélaganna www.framsyn.is.



Halló! Er enginn fiskur í vatninu? Sigurður Hreinsson er greinilega orðinn óþolinmóður og horfir hér niður í gegnum vökina í von um að sá stóri hafi nú viti á því að bíta á hjá bonum.



James Bond hvað! Kristján Gíslason var vígalegur þegar hann beitti öllum þrögðum til að fanga þann stóra í Kálfborgarárvatni.



Hólmfríður Sigurðardóttir dorgar hér í veðurbláunni en bún er komin af miklum fiskimönnum langt aftur í ættir.

Undanþágubeiðni Íslands samþykkt

Fastanefnd EFTA-ríkjanna hefur samþykkt undanþágubeiðni Íslands frá reglum Evrópusambandsins um akstur og hvíld atvinnubílstjóra. Þar með er fallist á sérstöðu Íslands í samgöngumálum en vegakerfi landsins og aðstæður atvinnubílstjóra til hvíldar eru mjög frábrugðnar því sem gerist á meginlandi Evrópu auk þess

sem íslenskt veðurfar getur sett strík í reikninginn. Reglugerð Evrópusambandsins mun því verða innleidd hér á landi með meiri sveigjanleika en í öðrum ríkjum á hinu Evrópska efnahagssvæði. Með ákvörðuninni hafnaði fastanefndin ákvörðun Eftirlitsstofnunar EFTA sem hafði lagst gegn undanþágubeiðnunum.



Nánari umfjöllun

Athygli lesenda er vakin á því að nánar er fjallað um þær fréttir sem eru í Fréttabréfinu á heimasíðu stéttarfélaganna www.framsyn.is. Þar eru einnig fleiri myndir úr starfi félaga.

Hátíð í höllinni

Undirbúningur vegna hátíðarhaldanna 1. maí eru í fullum gangi og verður dagskráin vegleg að vanda með frábærum skemmtiatriðum. Hátíðin verður haldin í Íþróttahöllinni á Húsavík en um 900 manns komu í höllina í fyrra. Þess má geta að Mannakorn með

þá Magnús Eiríksson og Pálma Gunnarsson fremsta í flokki koma fram auk þess sem boðið verður upp á tónlistarveislu sem húsviskir tónlistarmenn sjá um. Þá eru fleiri atriði til skoðunar. Dagskráin verður auglýst nánar síðar.



Góðir og ódýrir félagsjakkar í boði

Framsýn- stéttarfélag hefur ákveðið að bjóða félagsmönnum að kaupa vandaða jakka með merki félagsins á annarri erminni. Í boði eru 5 litir í dómu- og herrastærðum. Félagsmenn geta pantað jakkann á Skrifstofu stéttarfélaganna. Verð til félagsmanna er kr. 5000,-. Jakkin

heitir Tee jays Softshell og er úr 3 laga Air Tech efni. Jakkin er með öndun, tveimur hliðarvösum, brjóstvasa og er auk þess vatns- og vindheldur. Hægt er að sjá sýnishorn af jakkanum á Skrifstofu stéttarfélaganna.



Trúnaðarmannanámskeið

Framsýn- stéttarfélag stendur fyrir trúnaðarmannanámskeiði á Narfastöðum í Reykjadal, 16. til 17. apríl. Skráning er hafin á Skrifstofu stéttarfélaganna. Samkvæmt kjarasamningnum eiga trúnaðarmenn rétt á slíkum námskeiðum og skulu þeir halda launum meðan á námskeiðinu stendur.

Niðurgreiðsla á krabbameinsleit

Stéttarfélögin í Pingeyjarsýslum greiða niður reglubundna krabbameinsleit hjá félagskonum. Vinsamlegast framvísið greiðslukvittunum á Skrifstofu stéttarfélaganna.

Aðalfundur FRAMSÝN



Aðalfundur Framsýnar- stéttarfélags verður haldinn þriðjudaginn 14. apríl kl. 20:00 í fundarsal félagsins.

Dagskrá:

1. Venjuleg aðalfundarstörf

- Félagaskrá
- Skýrsla stjórnar
- Ársreikningar
- Umræður um skýrslu stjórnar og ársreikninga
- Kosning löggilts endurskoðanda
- Lagabreytingar
- Ákvörðun árgjalda
- Laun stjórnar

2. Önnur mál

- Afmæli félagsins

Að venju er skorað á félagsmenn að fjölmenna á aðalfundinn og taka virkan þátt í öflugri starfsemi þess.

Allir fundargestir fá óvæntan glaðning á fundinum.

Stjórnin

Atvinnuleitendur fá frítt í sund

Sveitarfélagið Norðurþing hefur ákveðið í samstarfi við stéttarfélögin og Vinnumálastofnun að bjóða atvinnuleitendum frítt í sund á Húsavík og á Raufarhöfn. Atvinnuleitendur geta nálgast mánaðarkort á Skrifstofu stéttarfélaganna og skrifstofu Vinnumálastofnunar á Húsavík. Atvinnuleitendur í Skútustaðahreppi fá einnig frítt í Íþróttamiðstöðina í Mývatnssveit sem gildir fram til 1. júní en þá verður málið endurskoðað.

Nánari upplýsingar er hægt að fá á skrifstofu sveitarfélagsins. Ástæða er til að þakka sveitarfélögunum fyrir að koma til móts við atvinnulausa með þessum hætti. Þá má geta þess að Framsýn hefur einnig farið þess á leit við Pingeyjarsveit að sveitarfélagið bjóði atvinnuleitendum í sund. Svar hefur ekki borist við þessari beiðni.



Verkaþjófslag Dórbafnar hélt fyrir nokkru námskeið í skartegipagerð í samstarfi við Hrafngerði Ösp Elíasdóttur sem var leiðbeinandi á námskeiðinu. Sjö konur sóttu námskeiðið og var sú elsta komin yfir sjötugt. Margur fallegur smíðisgripurinn leit dagsins ljós og höfðu konurnar mjög gaman af námskeiðinu.

Velheppnuð leikhúsförð

Pingið stóð fyrir leikhúsförð til Akureyrar laugadaginn 21. mars. Auk þess að fara á sýninguna "Fúlar á móti" var komið við á Greifanum sem bauð upp á veglegt hlaðborð. Alls fóru 73 félagsmenn og makar í ferðina sem tókst í alla staði mjög vel og voru allir ánægðir með ferðina.

Fréttabréfið mælir með þessari sýningu. Leikritið er nýtt skítýfndið, frístandandi uppistand

í nýrri íslenskrí útfærslu Gísla Rúnars Jónssonar, byggt á sjónvarpsþáttinum "Grumpy old women". Edda Björgvins, Helga Braga og Björk Jakobs fara á kostum í leikritinu og skauta þær af sinni alkunnu snilld í gegnum síðara skeiðið og gera óspart grín að sjálfri sér og öðrum. Hér koma nokkrar myndir sem teknar voru í ferðinni. Sjá einnig myndir á heimasíðu stéttarfélaganna www.framsyn.is.



Gengið frá stofnanasamningi við HÞ

Nýlega var gengið frá nýjum stofnanasamningi milli Framsýnar-stéttarfélags og Heilbrigðisstofnunar Pingeyinga. Samningurinn byggir á stofnanasamningi sem gerður var milli aðila í maí 2004. Fyrir hönd Heilbrigðisstofnunar Pingeyinga

skrifuðu Jón Helgi Björnsson og Regína Sigurðardóttir undir samninginn. Frá Framsýn skrifuðu Krístrún Sigtryggisdóttir trúnaðarmaður starfsmanna og Aðalsteinn Á. Baldursson undir samninginn.



Áslaug Halldórsdóttir og Regína Sigurðardóttir frá HÞ eru hér að yfirfara stofnanasamninginn áður en gengið var frá bonum endanlega. Með þeim á myndinni er Krístrún Sigtryggisdóttir trúnaðarmaður starfsmanna.



Svona þætti nú að myndast! Pétur Helgi Pétursson er með glæsilegri mönnum og því ekki hægt að sleppa því að taka mynd af bonum bjóðist tækjari til þess.

Miðar í Hvalfjarðargöng til sölu

Stéttarfélögin hafa til sölu miða í Hvalfjarðargöngin. Verðið per. miða er kr. 500,-. Félagsmenn í Verkalýðsfélagi Þórshafnar fá miðana á sama verði hjá skrifstofu félagsins á Þórshöfn. Rétt er að taka fram að miðarnir eru aðeins til sölu fyrir félagsmenn.

Sumarhús, íbúðir, hótél og fleira

-fjölbreyttir orlofskostir fyrir félagsmenn

Samstarf félaganna – fjölbreyttir möguleikar

Stéttarfélagin í Pingeyjarsýslum; Framsýn- stéttarfélag, Þingið, Starfsmannafélag Húsavíkur og Verkalýðsfélag Þórshafnar bjóða félagsmönnum sínum upp á sameiginlega orlofskosti í sumar eins og undanfarin ár. Félagsmönnum bjóðast orlofs-hús, íbúðir, gistiávisanir á Foss- og Edduhótélum, gisting á farfuglaheimilum og endurgreiðsla á gistikostnaði á tjaldsvæðum. Ekkert punktakerfi er við lýði hjá stéttarfélagunum í Pingeyjarsýslum. Leitast er við að sem flestir félagsmenn sem sækja um orlofshús fái úthlutun.

Óbreytt verð – Ekkert punktakerfi

•Orlofsíbúðir Freyjugötu Reykjavík



Freyjugata 10 Reykjav.

Íbúð 1: 2 svefnherb.Útv. / Sjónv.
Íbúð 2: 1 svefnh. Útv. / Sjónv.
Íbúð 3: Stúdíóíbúð. Útv. / Sjónv.

Stéttarfélagin bjóða félagsmönnum sínum upp á gistingu í 3 orlofs-íbúðum við Freyjugötu í Reykjavík. Íbúðirnar eru vel staðsettar í göngufæri frá miðbæ Reykjavíkur og Landsspítalanum.

Á 1. hæð er íbúð með tveim svefnherberjum. Svefnherbergi með hjónarúmi og barnaherbergi með kojum. Auk þess eru tvær aukadýnur í íbúðinni.

Á 2. hæð er íbúð með eitt svefnherbergi með hjónarúmi. Í stofu er tvíbreiður svefnsófi og tvær aukadýnur.

Á 3. hæð er stúdíóíbúð, þannig að eldhús, stofa og svefnaðstaða er í sama rýminu. Í íbúðinni er hjónarúm, svefnsófi og tvær aukadýnur.

• Orlofsíbúð Asparfelli Reykjavík



Asparfelli 8 Reykjav.

Íbúð: 1 svefnherb.Útv. / Sjónv.

Í Breiðholtinu er boðið upp á íbúð á 1. hæð í fjölbýlishúsi. Í íbúðinni er 1 svefnherbergi með hjónarúmi, tvíbreiður svefnsófi er í stofu og tvær aukadýnur.

Í Asparfellinu eru stutt í þjónustu, t.d. er fjöldi verslana rétt við íbúðina.

•Orlofshús Munaðarnesi



Munaðarnes

3 svefnherb. / heitur pottur

Í orlofsbyggðinni Munaðarnesi, sem er 23 km. fyrir norðan Borgarnes, er boðið upp á 53 m² orlofshús. Í húsinu eru þrjú svefnherbergi, eitt með hjónarúmi og hin tvö með kojum. Við húsið er heitur pottur og stór verönd.

Góð aðstaða er fyrir börn í Munaðarnesi, m.a. leikvöllir.

Munaðarnes er vel í sveit sett í þjóðbraut í miðjum Borgarfirði og því er stutt á flesta áfangastaði á Suð-vesturlandi og Snæfellsnesi. Hægt er að kaupa sér aðgang að þráðlausu interneti(Hotspot) á staðnum.

•Orlofshús Stóruskógum



Stóruskógar við Munaðarnes

3 svefnherb. Heitur pottur

Í orlofsbyggðinni Stóruskógum, sem staðsett er rétt við Munaðarnes, er boðið upp á 53 m² orlofshús. Í húsinu eru þrjú svefnherbergi, eitt með hjónarúmi og hin tvö með kojum.

Við húsið er heitur pottur og stór verönd. Frá Stóruskógum er stutt á flesta áfangastaði á Suð-vesturlandi og Snæfellsnesi.

• Orlofshús Kjarnaskógi



Kjarnaskógur við Akureyri

3 svefnherb.

Í Kjarnaskógi við Akureyri er boðið upp á vel búið 53 m² orlofshús. Í húsinu eru þrjú svefnherbergi, eitt með hjónarúmi og tveim aukadýnum og hin tvö með kojum. Við húsið er góð verönd og heitur pottur.

• Orlofshús Illugastöðum



Illugastaðir Fnjóskadal

2 svefnherb. og svefnsófi

Í boði er nýlegt 48 m² orlofshús í orlofsbyggðinni Illugastöðum í Fnjóskadal. Byggðin er staðsett á milli Húsavíkur og Akureyrar.

Í húsinu eru tvö svefnherbergi, annað með hjónarúmi og hitt með tveim kojum. Í stofu er svefnsófi. Við húsið er góð verönd með heitum potti.

Á Illugastöðum er gott leiksvæði fyrir alla fjölskylduna og sundlaug.

• Orlofshús Öxarfirði




Dranghólaskógur Öxarf.

3 svefnherb.

Í Dranghólaskógi við Lund bjóða félögin upp á orlofshús allan ársins hring. Húsið er vel búið með þrem svefnherberjum, einu með hjónarúmi og hinum með kojum. Í húsinu eru tvær aukadýnur. Í ár verður húsið í leiguskiptum frá 29. maí til 28. ágúst en hægt er að fá húsið leigt utan þess tíma.

• Orlofshús Eiðum



Eiðar á Héraði

3 svefnherb.

Í orlofsbyggðinni Eiðum, sem er 14 km norðan við Egilsstaði, er boðið upp á 54 m² orlofshús með þrem svefnherbergjum. Í einu herbergjanna er hjónarúm og tvær aukadýnur en kojur í hinum. Húsið stendur við Eiðavatn og fylgir því aðgangur að árabát.

• Orlofshús Einarstöðum



Einarstaðir Héraði

3 svefnherb.

Í orlofsbyggðinni Einarstöðum, sem er 10 km sunnan við Egilsstaði, er boðið upp á tvö 45 m² orlofshús með þrem svefnherbergjum. Í einu herbergjanna er hjónarúm og aukarúm en kojur í hinum. Í byggðinni eru leiktæki fyrir börn. Einarstaðir eru sérstaklega vel staðsett m.t.t. ferðalaga á Austurlandi.

• Orlofshúsið Mörk Grímsnesi



Mörk Grímsnesi

3 svefnherb. / Heitur pottur

Orlofshúsið er um 52 m² að stærð með þrem svefnherberjum. Í einu þeirra er hjónarúm og efri kaja en í hinum eru kojur. Við húsið er góð verönd og heitur pottur. Húsið er vel staðsett um 15 km frá Selfossi, vestarlega í Grímsnesinu við Sogið.

• Orlofshúsið Útgarður Grímsnesi



Útgarður Grímsnesi
2 svefnherb. + svefnsófi / H.pott.

Í boði er stórt orlofshús, um 100 m² (svefnloft innifalið). Í húsinu eru tvö svefnherbergi með hjónarúmum og í öðru þeirra er aukarúm. Auk þess er í húsinu 28 m² svefnloft með tveim rúmum og 4 dýnum.

Við húsið er góð verönd og heitur pottur. Húsið er vel staðsett um 18 km frá Selfossi, vestarlega í Grímsnesinu skammt frá Sogsvirkjunum.

• Orlofshús Ölfusborgum



Ölfusborgir
3 svefnherb. + svefnsófi / H.pott.

Í boði er orlofshús í orlofsbyggðinni Ölfusborgum við Hveragerði. Húsið er 55 m² þrjú svefnherbergi. Í einu þeirra er hjónarúm en í hinum eru kojur. Góð verönd og heitur pottur er við húsið.

• Orlofshús við Flókalund í Vatnsfirðir



Flókalundur í Vatnsfirði
2 svefnh.

Í húsinu sem er 40 m² eru 2 svefnherbergi, setu- og borðstofa með eldhúskrók og baðherbergi með sturtu. Flókalundur er vel staðsettur fyrir þá sem vilja skoða hvað vestfirðir hafa upp á að bjóða. Við Hótel Flókalund, sem er steinsnar frá byggðinni, er verslun með helstu nauðsynjar.

• Reykingar og húsdýr

Reykingar eru bannaðar í sumarhúsum og íbúðum á vegum félaganna. Félagsmenn eru hvattir til að virða þetta bann. Einnig er bannað að vera með húsdýr í öllum orlofshúsum á vegum stéttarfélaganna.



**Óbreytt verð –
Ekkert punktakerfi**

Hótelgisting á Fosshótelum

Félagsmönnum býðst gisting á Fosshótelum sem staðsett eru í Reykjavík, Reykholti, Húsavík, Dalvík, Laugum, við Hornafjörð, Skaftafelli og Hellu.

Félagsmenn kaupa gistiávisun á Skrifstofu stéttarfélaganna fyrir uppíbúið tveggja manna herbergi með baði og morgunverði fyrir tvo og bóka síðan gistingu.

• **Verð fyrir gistinóttina er kr. 6.000 með niðurgreiðslu.**

• **Fritt er fyrir eitt barn undir 12 ára aldri í herbergi með foreldrum.**

• **Aukarúm kostar kr. 4.000 með morgunmat.**

• **Í júní er kr. 5.000 aukagjald fyrir gistingu í Skaftafelli, Barón og Lind.**

• **Í júlí og ágúst skal greiða með 2 gistiðum fyrir hverja nótt.** Einnig býðst gisting á Grand Hótel Reykjavík í júlí og ágúst en þá er greitt fyrir hverja nótt með tveimur gistiðum.

FOSSHÓTEL

Hótel Keflavík- nýr gistikostur

Framsýn- stéttarfélag hefur samið við Hótel Keflavík um sérstök afsláttarkjör á hóteltgistingu, akstri á flugvöll og geymslu á bíl fyrir þá sem eru að ferðast til útlanda. Sjá nánar á bls. 11.

Umsóknarfrestur

Með þessu fréttabréfi fylgir umsóknareyðublað um orlofshúsin og íbúðirnar, sem einnig er hægt að nálgast á heimasíðu félaganna www.framsyn.is. Umsókn skal skila til Skrifstofu stéttarfélaganna í síðasta lagi 15. apríl nk.

Hótelgisting á Eddu

Félagsmönnum býðst gisting á 13 Edduhótelum sem staðsett eru um allt land. Hótelin eru: ML Laugarvatni, IKI Laugarvatni, Skógar, Nesjaskóli, Neskaupsstaður, Egilsstaðir, Eiðar, Stórutjarnir, Laugarbakki og Ísafjörður.

Félagsmenn kaupa á Skrifstofu stéttarfélaganna gistiávisun fyrir uppíbúið tveggja manna herbergi með handlaug og bóka sér síðan gistingu þar sem þeir kjósa. Heimilt er að hafa með sér börn án sérstaks aukagjalds ef viðkomandi hefur með sér rúmföt fyrir þau. Hótelíð

leggur til dýnur. Verð fyrir gistinóttina fyrir fjölskylduna er kr. 5.000,-. Athugið að morgunverður er ekki innifalinn og misjafnt framboð er hjá einstökum hótélum eftir tímabilum.



Gisting í farfuglaheimilum

Félagsmönnum og fjölskyldum þeirra er boðið upp á gistingu í einhverju af 25 farfuglaheimilum á Íslandi, sem staðsett eru um allt land (sjá www.hostel.is).

Þeir sem kjósa að gista á farfuglaheimilum fá aðgang að rúmi, sæng, kodd, snyrtingu, baðaðstöðu og gestaeldhúsi. Algengast er að ferðamenn hafi með sér sængurföt eða svefnpoka.

Við er hægt að leigja sængurföt og kaupa morgunverð. Yfirleitt er aukagjald fyrir þá sem vilja sér herbergi.

Gistiávisanir fyrir farfuglaheimili er hægt að fá á Skrifstofu stéttarfélaganna. Allar nánari upplýsingar eru veittar þar eða á heimasíðu farfugla www.hostel.is eða á skrifstofu þeirra í síma 553-8110.



Útilega í boði þíns stéttarfélags

Orlofsnefnd stéttarfélaganna býður félagsmönnum og fjölskyldum þeirra í útilegu. Það gerist þannig að félagsmenn og fjölskyldur þeirra fara með sitt tjald, tjaldvagn, fellihýsi, hjólhýsi eða annan búnað á tjaldsvæði innanlands, fá löglegan reikning (númeraður reikningur með kennitölu söluaðila og kaupanda þjónustu), framvísa

síðan reikningnum á Skrifstofu stéttarfélaganna og fá endurgreiðslu allt að kr. 4.500 sumarið 2009. Skilyrði fyrir þessari greiðslu er að félagsmaður sé í a.m.k. 50% starfi, sé fullgildur félagsmaður og hafi greitt félagsgjöld í a.m.k. 3 mánuði.


Dyraverðir útskrifast

Átta dyraverðir luku dyravarðanámsskeiði sem Framsýn-stéttarfélag, lögreglan á Húsavík og veitingarstaðir á svæðinu stóðu fyrir í lok mars. Það helsta sem tekið var fyrir á námskeiðinu var skyndihjálp, eldvarnir, lög og reglur, samskipti dyravaraða og lögreglu,

valdbeiting og réttindi dyravaraða. Hér koma myndir frá námskeiðinu en dyravarðanámsskeiðin eru líflægustu námskeiðin sem haldin eru á hverjum tíma enda fylgja þeim mikil átök. Fleiri myndir má sjá á heimasíðu stéttarfélaganna www.framsyn.is.



Ofurkvenndið, Sunna Guðmundsdóttir, hefur hér snúið Bjarka Halldórsson niður sem er gjörsamlega varnarlaus.



Vertu rólegur góði, þú ert yfirbugaður! Haukur Ingi Ákason er hér að hjarma að Einari Gesti sem getur sig ekki breyft enda Haukur Ingi heljarmenni.



Meðal þess sem menn lærðu á námskeiðinu var að blása lífi í fólk. Hér er Alexander Hermannsson að afa sig og ekki er annað að sjá en að það gangi vel.



Jón Óðinn kennari og Steini hjarma hér að Heimi Harðar á námskeiðinu.



Það er engu líkara en að Reynir Ingi og Steingrímur séu endanlega búnir að ganga frá Oddvari en það skal tekið fram að hann stóð óskaddaður upp aftur eftir meðferðina hjá Steingrími Stefánssyni og Reyni Inga Reinhardssyni.

Leitað eftir framtalsaðstoð

Töluvert er um að erlendir starfsmenn á Húsavík og nágrenni leiti til Skrifstofu stéttarfélaganna eftir skattaframtalsaðstoð. Að sjálfsögðu aðstoða starfsmenn þá við að ganga frá framtalinu og kunna erlendu starfsmennirnir vel

að meta hjálpinu sem margir hverjir hafa ekki náð tökum á tungumálinu og eiga því erfitt með að útfylla skattframtalið hjálparlaust. Hér eru nokkrir starfsmenn hjá Snæbirni að leita eftir aðstoð varðandi sín mál.



Setið á fundi um atvinnuúrræði

Fulltrúar frá Framsýn-stéttarfélagi, Norðurþingi og Vinnumálastofnun hafa undanfarið verið í sambandi vegna atvinnuástandsins á svæðinu. Til skoðunar er að setja upp átaksverkefni með vorinu fyrir atvinnuleitendur. Norðurþing er að skoða hvaða burði þeir hafa til að ráðast í sérstök verkefni í sumar. Bæði er horft til þess hóps sem er á atvinnuleysisráði og þá hafa menn einnig áhyggjur af unglingum sem koma út á vinnumarkaðinn í vor

eftir skólasetu í vetur. Framsýn mun standa fyrir könnun meðal nemenda á næstunni varðandi það hvort þeir séu komnir með vinnu í sumar eða ekki svo hægt verði að áætla fjöldann sem er án vinnu. Þá er rétt að hvetja fyrirtæki, félagasamtök eða einstaklinga sem hafa góðar hugmyndir um átaksverkefni fyrir atvinnuleitendur að hafa samband við Skrifstofu stéttarfélaganna. Tekið verður vel á móti öllum góðum hugmyndum.



Soffía Gísladóttir frá Vinnumálastofnun og Sveinn Hreinsson frá Norðurþingi eru hér á fundi með formanni Framsýnar um atvinnumál. Unnið er að því að kanna möguleikana á því að setja upp átaksverkefni í sumar fyrir atvinnuleitendur.

Er ekki allt í lagi?

Hann varð hissa sjómaðurinn sem var staddur á togara fyrir vestan land að næturlagi og sendi Skrifstofu stéttarfélaganna fyrirspurn í tölvupósti varðandi réttindamál. Svo vildi til að einn af starfsmönnum skrifstofunnar var að vinna um nóttina þar sem miklar annir hafa verið á Skrifstofu stéttarfélaganna undanfarna mánuði. Að sjálfsögðu svaraði starfsmaðurinn um hæl og sendi sjómanninum svar við fyrirspurninni. Sjómaðurinn svaraði aftur með tölvupósti og spurði um

leið og hann þakkaði fyrir skjót svör hvort ekki væri allt í lagi? Hann hefði aldrei reiknað með að fá svar við fyrirspurninni fyrr en í fyrsta lagi daginn eftir. Allavega ekki um nóttina. Þrátt fyrir að þetta hafi verið algjör tilviljun kappkostar Skrifstofa stéttarfélaganna að veita góða þjónustu. Það virðist skila sér vel til félagsmanna því skrifstofan hefur komið einstaklega vel út úr öllum viðhorfskönnunum sem gerðar hafa verið á undanföllum árum.

Atvinnumál rædd á félagsfundi Framsýnar

Bergur Elías Ágústsson sveitarstjóri Norðrúpings var gestur á félagsfundi Framsýnar um atvinnu- og kjaramál. Á fundinum fór Bergur yfir stöðu atvinnumála í sveitarfélaginu og fjallaði sérstaklega um uppbyggingu álvers samanbörð við aðra kosti við atvinnuuppbyggingu. Einnig svaraði hann fyrirspurnum félagsmanna varðandi atvinnu- og skólamál. Bergur var spurður um möguleika sveitarfélagsins á því að standa fyrir atvinnuáttaki í sumar til að bregðast við auknu atvinnuleysi. Hann svaraði því til að málið væri í skoðun en að fjármögnun á rekstri margra sveitarfélaga væri erfið þessa dagana og að mörg sveitarfélög væru ekki búin að tryggja fjármögnun út þetta ár. Því gæti hann ekki svarað þeirri spurningu að svo stöddu. Hann fór í stuttu máli yfir atvinnusögu sveitarfélagsins en þar kom fram störfum í framleiðslugreinum s.s. sjávarútvegi og landbúnaði hefði fækkað verulega á undanföllum árum. Þá kom einnig fram að í sveitarfélaginu hefði íbúum fækkað um 13% frá árinu 1991, mest í yngstu aldurshópnum. Á sama tíma hefði margt verið reynt í atvinnusköpun með ærnum tilkostnaði og vinnu. Því miður hefði það ekki skilað nægum árangri til að fjölga störfum á svæðinu en það stæði nú vonandi til bóta. Þann 16. maí 2006 hefðu sveitarfélagið, ríkið og álframtækið Alcoa skrifað undir viljayfirlýsingu um uppbyggingu álvers á Bakka við Húsavík. Verkefnið hefði hlotið nafnið: „Sjálfbært samfélag-álver á Bakka. Bergur sagði að unnið hefði verið að verkefninu síðan í samvinnu við fjölmarga aðila. Í nóvember 2007 samþykktu sveitarfélög á svæðinu svæðisskipulag fyrir háhitasvæðin sem ætlað er að nýta til orkuöflunar fyrir orkufrékan iðnað. Slík samvinna sveitarfélaga væri einsdæmi og sýndi skýran vilja aðila á svæðinu til að veita verkefninu frammang. Eitt brýnasta verkefnið væri einmitt rannsóknir á þessum háhitasvæðum til að fá skýra mynd af mögulegri orkuframleiðslu. Þær rannsóknir hefðu m.a. leitt í ljós að háhitasvæðin væru mun stærri en talið var í fyrstu. Ákvörðun umhverfisráðherra þann 31. júlí 2008 um sameiginleg umhverfismat 4 þátta uppbyggingarinnar hefði sett verulegt strök í reikninginn og orðið til þess að ekki var hægt að ljúka rannsóknum eins og áætlað var. Síðar hefur komið í ljós að ákvörðun ráðherrans var ólögleg. Þrátt fyrir það hafi viðbrögð ráðuneytisins við eigin lögbroti verið engin. Bergur sagði áhuga Alcoa á verkefninu ótvíræðan. Sem dæmi um það þá hefði öllum þróunarverkefnum Alcoa verið slegið á frest vegna fjármálakreppunnar, nema tveimur. Annað þeirra væri undirbúningur álvers á Bakka. Staða verkefnisins í dag væri sú að Skipulagsstofnun er búin að samþykkja matsáætlun vegna álvers með nokkrum

afmörkuðum athugasemdum. Fjárfesting í verkefnið til þessa næmi um 6 milljörðum króna. Að mati hans væri mikilvægt að ríkisvaldið kæmi að málinu með afgerandi hætti, íbúum og fyrirtækjum á norður og norðausturlands til framtíðar. Í máli Bergs kom einnig fram að misskilnings hefði gætt í umræðunni að undanförmu um hugsanlega uppbyggingu sölflokkisilversmiðju, gagnavera og annarra orkufrekra verkefna sem gætu komið í stað álvers. Í umræðunni hefði stjórndendum sveitarfélagsins verið borið á brýn að hundsda aðra kosti, þrátt fyrir frestun á ákvörðun Alcoa um álversframkvæmdir á Bakka við Húsavík. Hið rétta væri að allir mögulegir og ómögulegir kostir hefði verið kannaðir og að niðurstaðan væri sú að í dag væri uppbygging álvers klárlega vænsti kosturinn fyrir samfélagið. Mengun frá álveri væri t.d. mun minni en frá fyrirhugaðri kísilverksmiðju og öðrum kostum sem kannaðir hefðu verið. Álver skapaði líka mun fleiri og fjölbreyttari störf en aðrir kostir eins og kísilverksmiðja og gagnaver, bæði meðan á uppbyggingu stendur og einnig þegar framleiðsla er hafin. Því væri hann enn sannfærður um að áframhaldandi samvinna við Alcoa væri rétta leiðin. Hann gerði ráð fyrir því að heildarfjárfesting vegna álvers á Bakka myndi nema kr. 230.000.000.000. Hann taldi einnig að fyrir 15. september á þessu ári myndi liggja fyrir niðurstaða um uppbygginguna. Sveitarstjóri var spurður um stefnu sveitarfélagsins varðandi atvinnuuppbyggingu á Raufarhöfn. Hann svaraði því til að nú væri nefnd að störfum sem í væru fulltrúar m.a. frá Raufarhöfn um möguleika staðarins til atvinnuuppbyggingar. Sveitarstjóri var einnig spurður út í ákvörðun sveitarstjórnar um að færa allt skólahald á grunnskólastigi frá Kópaskeri í Lund og bent á að nokkrir íbúar hefðu haft samband við félagið og lýst óánægju sinni með ákvörðunina. Bergur svaraði því til að ákvörðunin hefði verið erfið en nauðsynlegt hefði verið að taka ákvörðun í eitt skipti fyrir öll, slíkt er á ábyrgð sveitarstjórnar. Hann taldi mikilvægt nú að allir hlutaðeigandi ynnu saman til að setta alla aðila í þessu máli.



Atvinnurekendur til fyrirmyndar

Á félagsfundi Framsýnar í mars fór formaður félagsins, Aðalsteinn Á. Baldursson, yfir efnahagsástandið og gerði að umræðuefni stöðu heimilanna í landinu. Taldi hann afar mikilvægt að stjórnvöld kæmu heimilunum til hjálpar með sérstökum aðgerðum. Hátt matvælavæð, verðbólga og aukin skuldabyrði væri að sliga margar fjölskyldur. Þá kæmu hækkanir á þjónustugjöldum hjá sveitarfélögum og ríki illa við marga. Töluvert væri um að áhyggjufullir félagsmenn litu við á skrifstofu félagsins til að fara yfir sína stöðu. Aðalsteinn taldi mikilvægt að verkalyðshreyfingin þrýsti á stjórnvöld að grípa til frekari aðgerða til að bjarga heimilunum í landinu. Það væri skylda þeirra að standa vörð um velferðarkerfið á Íslandi.

Aðalsteinn fór einnig hlýjum orðum um atvinnurekendur á félagssvæði Framsýnar. Hann sagði mörg dæmi um að þeir hefðu leitað til skrifstofu félagsins undanfarna mánuði eftir ráðgjöf varðandi stöðu þeirra í samdrættinum er viðkæmi samskiptum þeirra við starfsmenn. Í allflestum tilfellum vildu þeir ráðast í sparnaðaraðgerðir í sátt við starfsmenn og stéttarfélagið. Full

ástæða væri til að hæla mörgum atvinnurekendum fyrir framkomu þeirra í garð starfsmanna. Greinilegt væri að atvinnurekendur teldu slæmt að þurfa að segja upp fólki og vildu gera allt til halda fólkinu í vinnu, frekar í skertu starfshlutfalli en að segja því alveg upp. Vissulega kæmu þrengingarnar í efnahagslífinu misvel eða illa við fyrirtæki og stofnanir. Hann sagði það jafnframt gleðilegt að dæmi væri um að atvinnurekendur hefðu einnig haft samband við félagið og lýst því yfir að þeir ætli að virða tilmæli Framsýnar um að hækka laun starfsmanna frá og með 1. mars þrátt fyrir samkomulag ASÍ og Samtaka atvinnulífsins um frestun á hækkuninni fram á sumarið. Staða fyrirtækja væri mjög mismunandi varðandi það að taka á sig launahækkanir. Þá sagði hann að verkatólk víða um land hefði séð ástæðu til að hafa samband og þakka félaginu fyrir að standa fast á því að samningsbundnar launahækkanir kæmu til framkvæmda 1. mars. Aðalsteinn sagði alltaf jafn ánægjulegt að fá þessar hringingar, þær hvetu hann áfram í baráttunni fyrir bættum kjörum fyrir sína umþjóðendur til lands og sjávar.



Þessi var meðal fundargesta á félagsfundi Framsýnar- stéttarfélags sem var bæði langur og strangur enda atvinnu- og kjaramál til umræðu.

Framsýn ályktar

Framsýn- stéttarfélag hefur undanfarið ályktað um kjaramál, atvinnumál, Húsavíkurflygðvöll og samgöngumál við Raufarhöfn. Hægt er að sjá allar ályktanirnar á heimasíðu stéttarfélaganna www.framslyn.is

Stéttarfélagin
í Pingeyjarsýslum



Skrifstofa stéttarfélaganna | Garðarsbraut 26 | 640 Húsavík | Sími: 464 6600 | Fax: 464 6601 | Framslyn.is

Kúabændur funda

Húnverskir kúabændur stóðu fyrir fundi á Blönduósi í mars um málefni landbúnaðarins. Formaður Framsýnar-stéttarfélags, Aðalsteinn Á. Baldursson, var frummælandi á fundinum. Hann var einnig nýlega með framsögu á fundi bænda í Suður-Þingeyjarsýslu. Fjallaði hann um mikilvægi landbúnaðar á Íslandi og fyrir ákveðin landssvæði þar sem landbúnaður og úrvinnsla landbúnaðarafurða er hryggjengjan í atvinnustarfsemi margra byggðarlaga.



Það var mikið líf á Húsavík á Öskudaginn þegar börn fóru milli fyrirtækja, verslana og stofnana og sungu fyrir starfsmenn og þáðu í staðinn sálgaði að gjöf. Þrátt fyrir leiðinlegt veður komu fjölmörg börn í heimsókn á Skrifstofu stéttarfélaganna og sungu falleg lög úr ýmsum átúmm.



Um þessar mundir fer þing NNN fram í Noregi sem eru systursamtök Starfsgreinasambands Íslands. Þingið er fjölmennt og fer fram í Osló. Formaður Framsýnar-stéttarfélags sem jafnframt er sviðsstjóri Matvælasviðs Starfsgreinasambands Íslands er gestur þingsins ásamt nokkrum verkahöfundum frá hinum Norðurlöndunum. Aðalsteinn fór út á vegum Starfsgreinasambands Íslands. Hér er hann ásamt Inger Furmyr varaformanni NNN en þau stíja auk þess saman í stjórn Norræna Matvælasambandsins (Nordisk Union).

Jónína í fullt starf hjá stéttarfélagunum

Gerðar hafa verið breytingar á starfsmannahaldi Skrifstofu stéttarfélaganna. Jónína Hermannsdóttir sem var í tímabundnu leyfi frá störfum er komin aftur til starfa. Frá miðju ári 2008 hefur hún verið í hálfu starfi hjá stéttarfélagunum og hálfu starfi hjá Vinnumálastofnun. Það er meðan starfsmaður Vinnumálastofnunar á Húsavík, Jóhanna Sigurðardóttir, var í fæðingarorlofi en hún er komin aftur til starfa. Jónína hefur verið ráðin í

fullt starf hjá stéttarfélagunum frá og með 1. mars. Þá hefur Kristín Sigurðardóttir látið af störfum hjá Skrifstofu stéttarfélaganna. Í dag starfa því þrír starfsmenn á Skrifstofu stéttarfélaganna en voru fjórir áður í 3,5 stöðugildum. Þess má geta til viðbótar að Skrifstofa stéttarfélaganna er opin 9 tíma á dag eða lengur en aðrar skrifstofur stéttarféлага á Íslandi og verður svo áfram.



Kristinn Lárússon formaður Verkalýðsfélags Þórshafnar og Jónas Kristjánsson formaður Þingiðnar stíga saman nefjum á aukaársfundi ASÍ.

Framsýn á facebook

Framsýn-stéttarfélag Þingeyinga hefur útvíkkað starfsemi sína með því að stofna félagið í vefsamfélaginu facebook. Notendum vefsamfélagsins fjölga dag frá degi og er áætlað að helmingur landsmanna sé orðinn meðlimur facebook samfélagsins.

Eitt lyklatríði í starfsemi stéttarféлага er virk upplýsingagjöf til félagsmanna sinna. Framsýn-stéttarfélag hefur undanfarið á haldið úti öflugri heimasíðu www.framslyn.is, gefið út nokkur fréttabréf á hverju ári sem send eru

inn á öll heimili á félagssvæðinu auk þess að auglýsa starfseminni í reglulega öðrum miðlum. Með því að taka facebook í sína þjónustu er félagið að koma sér upp enn einni samskiptaleiðinni við félagsmenn sína. Einn kostur sem vefsamfélagið hefur umfram aðra miðla er sá að þar geta félagsmenn komið skilaboðum beint á framfæri við stéttarfélagið í gegnum umræðuþræði. Þeir sem eru félagar á facebook geta fundið Framsýn-stéttarfélag undir hópar/groups og skráð sig þar í hópinn.



Aðalfundur



Aðalfundur Pingiðnar verður haldinn þriðjudaginn 21. apríl kl. 20:00 í fundarsal félagsins.

Dagskrá:

1. **Venjuleg aðalfundarstörf**
 - a) Skýrsla stjórnar
 - b) Ársreikningar
 - c) Umræður um skýrslu stjórnar og reikninga
 - d) Kosning löggilts endurskoðanda
 - e) Lagabreytingar
 - f) Ákvörðun árgjalda
2. **Önnur mál**

Félagar, leggjum frá okkur hamrana og önnur verkfæri og skundum á aðalfundinn. Hefðbundnar veitingar verða í boði fyrir félagsmenn á öllum aldri.

Stjórnin

Ódýr gisting í Keflavík fyrir flugfarþega

Framsýn- stéttarfélag hefur samið við Hótel Keflavík um sérstök afsláttarkjör á hóteltgistingu, akstri á flugvöll og geymslu á bíl fyrir þá sem eru að ferðast til útlanda. Verðin eru hér meðfylgjandi. Til viðbótar þessum verðum eiga fullgildir félagsmenn rétt á 2.000 króna niðurgreiðslu per. nótt. Séu hjón sem gista bæði félagsmenn er niðurgreiðslan kr. 4.000,-. Félagsmenn panta sjálfir herbergi og koma síðan á Skrifstofu stéttarfélaganna og greiða fyrir herbergið áður en þeir fara suður til Keflavíkur.

Verð til 1. maí 2009

Tveggja manna herbergi = kr. 8.200
Eins manns herbergi = kr. 7.200
Fjölskylduherbergi = kr. 10.200

Vetrarverð frá 16.sept - 31.des 2009

Tveggja manna herbergi = kr. 9.800
Eins manns herbergi = kr. 7.800
Fjölskylduherbergi = kr. 11.800

Sumarverð frá 1. maí til 15. sept 2009

Tveggja manna herbergi = kr. 13.800
Eins manns herbergi = kr. 11.800
Fjölskylduherbergi = kr. 16.800

Ath. Frá þessum verðum á eftir að draga aukaafslátt Framsýnar sem er kr. 2.000 per. nótt fyrir hvern félagsmann.

Innifalið í verði er glæsilegur morgunverður, akstur út á flugvöll og geymsla á bílnum í allt að 4 vikur. Einnig fá gestir frían aðgang að líkamsræktarstöð sem er á hótelinu.



Ljósmyndari Fréttabréfsins tók þessa mynd Sylvíu Ægisdóttir starfsmanni Fjörfisks-Seafood á Húsavíki þegar formaður Framsýnar var á fundi með starfsmönnum fyrir nokkrum dögum síðan.



Frænkurnar Dóra Guðrún Árnadóttir og Svanbildur Karen Júlíusdóttir grípa stundum í verk á Hótel Norðurljósum. Hér eru þær að útbúa hádegisverð fyrir gesti hótelsins.



Orlofsnefnd stéttarfélaganna hefur fundað undanfarið og gengið frá orlofskostum fyrir sumarið sem eru auglýstir í Fréttabréfinu.



Magnaðir nafnar, Sigurður Adalsteinn og Jónas Adalsteinn stinga bér saman nefjum í kaffitíma en þeir vinna báðir Fjörfiski á Húsavík.

Hvað eru vextir?



„Stuðla að ábyrgri fjármálakennslu í grunn- og framhaldsskólum landsins.“
Karlmaður, 39 ára.

Íslandsbanki býður öllum krökkum á fermingaraldri á skemmtilegt fjármálanámskeið

Viðskiptavinir okkar hafa komið á framfæri ábendingum um mikilvægi þess að miðla fjármálaþekkingu til ungmenna. Til að bregðast við þessu mun Íslandsbanki bjóða öllum krökkum á fermingaraldri á fjármálanámskeið.

Námskeiðin verða haldin í samstarfi við Opna háskólann í Háskólanum í Reykjavík og er markmið þeirra að bæta fjármálafærni þátttakenda í raunhæfum og einföldum skrefum. Leiðbeinandi verður Þór Clausen, M.Sc. í fjármálum. Námskeiðin eru ókeypis og öllum opin.

Fjármálanámskeið fyrir krakka á fermingaraldri
verður haldið á Húsavík þann 20. apríl.

Fjármálanámskeið fyrir fullorðna verður haldið sama dag.

Nánari upplýsingar og skráning er á islandsbanki.is, opnihaskolinn.is
eða í síma 599 6316.



OPNI HÁSKÓLINN
Í HÁSKÓLANUM Í REYKJAVÍK



Kynntu þér sniðugar fermingargjafir hjá Íslandsbanka

Framtíðarreikningur Íslandsbanka

Framtíðarreikningur ber hæstu innlánsvexti bankans hverju sinni og er kjörinn fyrir þá sem vilja gefa fermingargjöf sem vex.

Gjafakort Íslandsbanka

Með gjafakortinu getur þú verið viss um að gefa fermingargjöf sem allir kunna að meta.


Íslandsbanki